



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA KALESIJA
OPĆINSKI NAČELNIK



Broj: 02-05-2-1066/19.
Datum: 19.03.2019.godine

Vaš znak: _____/19
Od: _____godine

Na osnovu člana 15. Zakona o principima lokalne samouprave („Službene novine Federacije BiH“, broj 49/06 i 51/09), člana 56. Statuta općine Kalesija-Prečišćeni tekst (“Službeni glasnik općine Kalesija” broj 10/07, 7/08, 10/11, 3/12 i 6/13), a u vezi Oduke Federalnog štaba civilne zaštite o dodjeli jednokratne novčane pomoći za saniranje dijela šteta općini Kalesija broj:12-02/10-529-1/18 od 30.10.2018. godine i (“Sl. novine FBiH” br. 89/18) Općinski načelnik, o b j a v l j u j e

JAVNI POZIV
za raspodjelu sredstava iz budžeta općine Kalesija Federalnog štaba civilne zaštite za pomoć
privrednim subjektima i sportskim društvima nastradalim od prirodne nesreće poplava od
27.07.2018.godine

Predmet javnog poziva:

Objavljuje se Javni poziv za raspodjelu sredstava iz budžeta općine Kalesija koja su općini Kalesija od strane Federalnog štaba civilne zaštite dodijeljena Odlukom o odobravanju jednokratne novčane pomoći za saniranje šteta općini Kalesija broj:12-02/10-529-1/18 od 30.10.2018.godine (“Sl. novine FBiH” br. 89/18), od koje je dio sredstava usmjeren za pomoć privrednim i sportskim subjektima sa područja općine Kalesija, koji su pretrpjeli štetu usljed prirodne nesreće poplava, koja je proglašena Odlukom o proglašenju stanja prirodne nepogode od poplava (“Sl. glasnik općine Kalesija” br.9/18 i 10/18) a koji ispunjavanju sljedeće uslove:

1. Da im je od nadležne općinske komisije utvrđen nastanak štete prouzrokovane u momentu proglašenja stanja prirodne nesreće od poplava na dan 27.07.2018. godine.
2. Da imaju registrovanu djelatnost i sjedište poslovanja i rada na području općine Kalesija, najkasnije do dana proglašenja prirodne nesreće 27.07.2018. godine.
3. Da uredno izmiruju poreske obaveze i obaveze prema uposlenima.

Raspoloživa sredstva:

Sredstava iz predmeta javnog poziva, obezbjeđena su u budžetu općine Kalesija u ukupnom iznosu od 50.000,00 KM, koja će se raspodijeliti prema sljedećim kriterijima:

- a) Privrednim subjektima 40.000,00 KM
- b) Sportskim društvima 10.000,00 KM.

Sredstva će se dijeliti u skladu sa procentom procijenjene štete od strane nadležne komisije i visine odobrenih sredstava.

Namjena sredstava:

Sredstva koja se dodjeljuju privrednim i sportskim subjektima namijenjena su za saniranje štete od posljedica prirodne nesreće poplava od 27.07.2018.godine.

Da bi korisnici ostvarili pravo na raspodjelu sredstava iz ovog Javnog poziva, moraju biti evidentirani na zakonom propisan način.

Kriteriji za raspodjelu sredstava:

- 1) Iznos dodijeljenih sredstava će se računati u skladu sa procentom procijenjene štete, prema formuli:

$$\frac{a}{b} \times c = n$$

gdje je:

- a) procijenjena šteta privrednog (sportskog) subjekta;
- b) ukupna procijenjena šteta privrednih (sportskih) subjekata;
- n) nominalni iznos dodijeljenih sredstava;
- c) namijenjena sredstva po Odluci (40.000,00 KM privredni subjekti i 10.000,00 KM sportska društva)

2) Visina dodijeljenih sredstava ne može biti veća od 50 % od procijenjenog iznosa štete.

3) Neraspoređeni dio sredstava će se preusmjeriti na saniranje šteta na infrastrukturnim objektima na području općine Kalesija.

Komisija za razmatranje prijava za raspodjelu sredstava:

Radi sprovođenja javnog konkursa, Općinski načelnik će formirati komisiju, koja ima predsjednika i dva člana različitih struka od kojih je jedan predstavnik asocijacije privrednika, jedan predstavnik komisije za procjenu štete i jedan predstavnik općine.

Na osnovu pristiglih prijava komisija će po potrebi izlaziti na teren i provjeravati navode podnosioca zahtjeva i po službenoj dužnosti pribavljati potrebnu dokumentaciju od nadležnih organa.

Po okončanju provjere i kompletiranja dokumentacije iz predhodnog stava ovog člana Komisija vrednuje prijave o čemu sačinjava zapisnik i rang listu korisnika sa pojedinačnim iznosom novčane pomoći.

Rangiranje prijava kandidata:

Rang listu kandidata Komisija objavljuje na web stranici općine Kalesija, oglasnoj tabli i dostavlja svim učesnicima javnog konkursa.

Općinski načelnik razmatra nacrt i usvaja Odluku o odabiru korisnika sa iznosom dodijeljenih sredstava.

Namjenski utrošak i izvještavanje:

Sa korisnicima sredstava Općinski načelnik će potpisati ugovor. Dodijeljena sredstva korisnik je dužan iskoristiti za utvrđenu namjenu što će se precizirati ugovorom.

Nakon realizacije sredstava iz ugovora korisnici su dužni dostaviti općini Kalesija dokumentaciju o namjenskom utrošku sredstava kako bi ista bila opravdana prema Federalnom štabu civilne zaštite.

Način isplate i monitoring korištenja sredstava:

Isplata sredstava će se vršiti putem nadležne općinske službe za privredu i budžet, a na račun korisnika sredstava otvoren kod komercijalnih banaka.

Kontrolu namjenskog utroška sredstava vršit će Služba za privredu i budžet općine Kalesija i Općinska komisija za procjenu štete, svako u skladu sa pozitivnim zakonskim propisima i ovlaštenjima, a po potrebi moguće je formiranje zasebne komisije za ove namjene.

Objava javnog poziva i rok prijave:

Javni poziv za raspodjelu sredstava privrednim subjektima i sportskim društvima koji su pretrpjeli štetu usljed prirodne nesreće poplava od 27.07.2018. godine će se objaviti u dnevnim novinama, oglasnoj tabli općine Kalesija i web stranici općine Kalesija.

Rok za podnošenje prijava je 15 dana od dana objave u dnevnom listu.

Prijave se podnose u zatvorenoj koverti na adresu:

Općina Kalesija, Općinski načelnik, 75260 Kalesija, sa naznakom "Prijava na javni poziv za raspodjelu sredstava iz budžeta općine Kalesija Federalnog štaba civilne zaštite za pomoć privrednim subjektima i sportskim društvima nastradalim od prirodne nesreće poplava od 27.07.2018.godine"

Nepotpune i neblagovremene prijave neće se uzeti u razmatranje.

OPĆINSKI NAČELNIK

Sead Džafić dipl.ecc.